



Reykjavík 20. nóvember 2020

Efni: Samráðsgátt sjávarútvegsins.

Undirritaður hefur fengið með sér í lið fyrirtæki, stofnanir og sérfræðinga undir nafni Bláa hagkerfisins (vinnuheiti verkefnisins er Arctic Economy). Hópurinn er þversnið af þeim sem unnið hafa við fiskveiðistjórnunarkerfið hér á Íslandi á undanförunum áratugum og hafa í senn víðtæka þekkingu á og reynslu af því.

Hafið þekur um 71% jarðar en þekking okkar á vistkerfum þess er minni en á þeim 29% hluta jarðar sem er yfir sjávarmáli. Má segja að landnám mannsins hafi hafist í hafinu fyrir fáum áratugum síðan. Markmiðið Bláa hagkerfisins er setja saman þekkingu okkar á sjálfbærum veiðum og umgengni um hafið í mólél sem við getum flutt út sem forskrift að sjálfbærum veiðum og sett saman í einn pakka sem ég vil nefna "ArcticEconomy". Verkefni hugveitunar er að safna saman þeirri þekkingu sem áunnist hefur hér á landi við uppbyggingu núverandi fiskveiðistjórnunarkerfis. Í framhaldi þess er ætlunin að útbúa mólél sem nýtist öðrum þjóðum, hvernig unnt er að stýra nýtingu sjálfbærra fiskistofna með arðbærum hætti, viðkomandi samfélögum til framdráttar.

Það eru tiltölulega fáar þjóðir sem hafa innleitt einhverskonar fiskveiðistjórnunum um sína stofna. Lang flest lönd sem búa við haf hafa engin slík tól. Markmiðið er að aðstoða þau lönd við að innleiða mólélið og sum hver skilgreinast sem þróunarlönd. Er þá horft til landa sem standa í svipuðum sporum og við Íslendingar vorum fyrir nokkrum áratugum síðan. Á þann hátt verði unnt að aðstoða viðkomandi samfélög, sem innleiða forskriftina í samræmi við þeirra eigin innviði, við að nýta þá tækni sem þau ráða við og bæta þannig fiskveiðistjórnun sína. Mikilvægt er að þetta gerist með þeim hætti að viðkomandi lönd geti þróað og innleitt tækni og menntun með sínu atvinnulífi og á þann hátt fær um að taka við nýrri þekkingu, þó þannig að það henti aðstæðum á hverjum tíma í hverju landi fyrir sig. Mikilvægt er að tryggja að skráningar og rannsóknir séu gerðar með réttum hætti til þess ákvarðanir séu byggðar á vísindalegri þekkingu og rannsóknum.

+ 354 893 5055 

svanur@arcticeconomy.com 

Arcticeconomy.com 

Skútuvogi 3, 104 Reykjavík 





Nauðsynlegt er að tryggja að samstarf um þekkingarmiðlun Bláa hagkerfisins sé gerð með þátttöku opinberra aðila, atvinnulífi og fræðasamfélagi, auk annara sem að módelinu koma. Þessi forskrift er í samræmi við heimsmarkmið Sameinuðu þjóðanna (SDG) #8 og #14 og eru grunnurinn að þeirri uppbyggingu sem átt hefur sér stað á Íslandi frá árinu 1983 til dagsins í dag. Önnur heimsmarkmið eins og #5, #6, #9 og #10 eru þar jafnframt undir.

Nú þegar hafa nokkrir aðilar lýst yfir áhuga á að taka þátt í verkefninu sem ég vil kalla "Arctic Economy". Er þar um að ræða sjávarútvegsfyrirtæki, fyrirtæki í framleiðslu tækja og búnaðar fyrir sjávarútveg, einstaklingar úr háskólasamfélaginu og sjálfstæðir ráðgjafar sem hafa komið að stýringu og stjórnun sjávarútvegs, hér heima og erlendis. Ég tel eðlilegt að horfa til slíkrar þekkingarstjórnunar og alþjóðlegs samstarfs ef verið er að framkvæma heildstætt mat á stöðu íslensks sjávarútvegs og skapa honum nýjan lagagrundvöll.

Í Janúar 2020 skilaði ég Utanríkisráðherra skýrslu sem ber heitið *Þróunarsamvinna á sviði fiskimála*. Þar kom fram að fjöldi erlendra aðila hafa sett sig í samband við íslensk stjórnvöld og falast eftir aðstoð á sviði fiskimála. Ekki hefur verið unnt að sinna þeim erindum vegna anna viðkomandi stofnana.

Leita ég eftir aðstoð og stuðningi opinberra aðila að verkefninu sem getur komið í formi yfirlýsingar. Í áframhaldinu kæmi svo aðili inn í hugveituna frá hinu opinbera sem tengdi saman stjórnvöld og þær stofnanir sem þörf er á að leita til.

Virðingarfyllt,

Svanur Guðmundsson
Forstjóri Bláa hagkerfið ehf.
Reykjavík
Tel: +354 893 5055
Email: svanur@arcticeconomy.com

Bláa Hagkerfið

Sjálfbær auðindastýring



+ 354 893 5055



svanur@arcticeconomy.com



Arcticeconomy.com



Skútuvogi 3, 104 Reykjavík





Meðfylgjandi eru nokkrir punktar úr skýrslu minni *Þróunarsamvinna á sviði fiskimála* sem ég skilaði Utanríkisráðherra í janúar 2023.

Setja saman verkhópa sem taka að sér að leita að samstarfslandi með ákveðið verk í huga. Ábyrgð, áreiðanleiki og árangur verði leiðarljós hópsins með traust milli aðila og stefnu þar sem ekki verður tjaldað til einnar nætur.

#Við eigum að leggja meiri áherslu verkefni í löndum sem eru minna vanþróuð frekar en þau sem eru mest vanþróuð. Þau eiga möguleika á að skilja betur hvað átt er við með sjálfbærum veiðum, skráningu afla, mælingu umhverfisþátta og stofnstærðákvæðanir.

#Megináhersla okkar á að vera á málefni hafsins, auðlindastýringu og vöktun umhverfisþátta í hafinu. Við eigum að vinna með strandríkjum en á þann hátt náum við bestu samstafi um rannsóknir og nýtingu hafsins og í framhaldi þess getum við vakið alþjóðasamfélagið til vitundar um mikilvægi hafsins, bæði við auðlindanýtingu og vegna loftlags- og umhverfisþátta. Þar liggja tækifæri fyrir fyrirtæki okkar innan fiskimála til að hasla sér völl.

#Við getum virkjað vísinda- og fræðasamfélag okkar til samstarfs og útflutnings á okkar sérsviði svo og aðkomu annara ríkja að hafréttarsáttmálanum og málefnum hafsins. Auðlindanýting á að vera okkar stefnumið og þá þarf að styðjast við vísindalegar aðferðir eins og við höfum gert til þessa.

#Við þurfum að berjast gegn lokun og friðun svæða án vísindalegra ástæðna. Ábyrg sjálfbær auðlindastýring sé markmiðið og að rannsóknir á vistkerfum verði eflað.

#Við eigum að flytja út okkar auðlindastýringu og leitast við að kynna áherslur og ávinning Íslands í sjávarútvegi á alþjóðlegum vettvangi.

#Við eigum að flytja út okkar jafnréttis árangur og leitast við að kynna áherslur og ávinning Íslands í jafnréttismálum á alþjóðlegum vettvangi.

Með aðkomu atvinnulífsins að þróunarsamvinnu flytjum við út þá sérþekkingu sem íslensk fyrirtæki búa yfir og um leið þá þjónustu sem hið opinbera býður upp á. Atvinnulífið á að draga vagninn.

#Opinberir aðilar eiga setja ramma um þróunarsamvinnuna og opna leiðir fyrir fyrirtækin til þátttöku í þróunarsamvinnu með upplýsingum um stöðu mála ásamt þeim hvötum sem

+ 354 893 5055 

svanur@arcticeconomy.com 

Artcticeconomy.com 

Skútuvogi 3, 104 Reykjavík 





fyrirtækjum bjóðast taki þau þátt í henni. Hvatairnir geta verið skattaafsláttur, verkaðstoð frá stofnuninni og fjárframlög.

#Hagur fyrirtækja getur orðið margvíslegur þegar fram í sækir og styrkt þau í sínu markaðsstarfi sem um leið getur fallið að samfélagslegum markmiðum þeirra. Pungamiðjan er þó að þau hafi rekstrarlegan ávinning af samstarfinu þegar fram líða stundir.

#Skólastarf á vegum þróunarsamvinnu hér heima hefur verið að skila sér í margvíslegum og jákvæðum árangri. Áhugaverður þáttur er að nemendur hafa myndað tengsl við Ísland sem vert er að virkja til áframhaldandi samstarfs.

#Þörf á að safna saman upplýsingum um þau lönd sem hafa óskað eftir samtarfi við Ísland á sviði fiskimála.

#Við höfum með tiltölulega fámennum hópi vísindamanna og eftirlitsaðila náð árangri við stýringu umhverfisáhrifa mannsins á lífríkið sem við vinnum með. Það er ætti að vera smáeyjaríkjum hvatning til að taka upp stýringu okkar og ógn af stórveldum og stórfyrirtækjum sem myndu gleypa smáeyjaríki er síður til staðar í samstarfi tveggja smárra aðila.

#Íslensk stjórnvöld og íslensk fyrirtæki eiga að vera aflvaki þekkingarmiðlunar þjóða sem ráða yfir hafsvæðum.

Bláa Hagkerfið

Sjálfbær auðindastýring 

+ 354 893 5055 

svanur@arcticeconomy.com 

Artcticeconomy.com 

Skútuvoði 3, 104 Reykjavík 

